

MME ETOP EMI ENODE ESOK MME UFOK-ABASI

Eriyarare 2:1-29; 3:1-22

QYQHỌ UKPEP-ŃKPỌ 460

Eke Ikpọ Owo

IKỌ IBUOT: “Mmọñ ndi iwiwa. Sọñọ mum se enyenede kama, mbak owo edibọ anyanya fo” (Eriyarare 3:11).

I Enọ Akpa Etop Esok Ufok Abasi Ke Ephesus

- 1 Ufok-Abasi ke Ephesus ama enyene ediwak itoro, Eriyarare 2:2, 3, 6; Psalm 139:1-5; Ƒwede Mbon Galatia 6:9
- 2 Ufok-Abasi ke Ephesus okodu ke itie mfiak-edem, Eriyarare 2:4, 5; Ezekiel 18:24; 33:12, 13, 18; Matthew 26:75; 24:12; Luke 9:62; 2 Ƒwede Corinth 11:13-15; 2 Peter 2:1-10, 20

II Enọ Qyohọ Etop Iba Esok Ufok-Abasi Emi Odude

Ke Smyrna

- 1 Ufok-Abasi emi ama ebuene ke mme ńkpọ uwem emi edi enyene inyene ke Abasi, Eriyarare 2:8, 9; 3:9; James 2:5; Ƒwede Mbon Rome 2:28, 29
- 2 Ema eñwọñọ anyanya uwem enọ Ufok-Abasi emi edieke enye edinamde akpanikọ tutu osim mkpa, Eriyarare 2:10, 11; James 1:12

III Enọ Qyohọ Etop Ita Esok Ufok-Abasi Emi Odude

Ke Pergamos

- 1 Christ otoro Ufok-Abasi emi, Eriyarare 2:13; Matthew 15:28
- 2 Esua enọ Ufok-Abasi emi ke abañá edinyene ebuana ye nsu-nsu mme andikpep, Eriyarare 2:14-17; Numbers 25:2-5; 2 Peter 2:15, 16; Jude 11

IV Enọ Qyohọ Etop Inañ Esok Ufok-Abasi Emi Odude

Ke Thyatira

- 1 Mmọ ema enyene ediwak ńkpọ emi akanamde etoro mmọ, Eriyarare 2:19, 24-29
- 2 Esua enọ Ufok-Abasi emi ke ndinyime Jezebel ekpep onyũ abiaña ndusuk owo ete enam use enyũ edia mme ńkpọ emi ewade enọ ndem, Eriyarare 2:20-23

V Enọ Qyohọ Etop Ition Esok Ufok-Abasi Sardis

- 1 Enye ama enyene enyiñ emi okodude uwem, edi ama akpa, Eriyarare 3:1; Matthew 7:21; Mark 7:6; Ezekiel 33
- 2 Enọ enye item ndikabare esit. Odu ndusuk mmọ emi mikasabakere edisine-ńkpọ mmọ, Eriyarare 3:2-6; Matthew 24:42, 43; 1 Ƒwede Thessalonica 5:2-6; 2 Peter 3:10

VI Enọ Qyohọ Etop Itiokiet Esok Ufok-Abasi Ke Philadelphia

- 1 Ema etoro mmọ enyũ enim ana iñwã usuñ ke iso mmọ, Eriyarare 3:7-9; 1 Ƒwede Corinth 16:9
- 2 Eñwọñọ ediwak ńkpọ enọ mmọ, Eriyarare 3:10-13; 21:2-7

VII Enọ Qyohọ Etop Itiaba Esok Ufok-Abasi Ke Laodicea

- 1 Ufok-Abasi emi ekedi ndebe onyũ ekpere nte Abasi ọkpọkpọhide ke inua ọduok Eriyarare 3:14-17; 2 Ndidem 10:31; Hosea 10:2
- 2 Esua enọ mmọ enyũ enọ mmọ item ndidep gold eke etemde asana ke ikañ. Eriyarare 3:18-22; Mme Ƒke 30:12; 1 Ƒwede Corinth 4:8; Luke 18:9-14.

SE EKPEPDE EBAÑA

Mme Ufok-Abasi Itiaba

Ke ukpep-ñkpọ emi, nnyin imenyene mme etop emi ekenode esok nsio-nsio ufok-Abasi itiaba ke Asia.

Mme etop itiaba oro etoño ntem: “Mmofioḱ mme utom fo.” Mmọ kiet-kiet esaña ye eñwọño emi etode Christ: “Owo eke akande.” Kpukpru enyuñ etre ke: “Yak owo eke enyenede uton okop se Spirit odohode mme ufok Abasi.”

Ndusuk owo ema ekere ete ke ufok-Abasi itiaba emi edi mbiet nsio-nsio emana ufok-Abasi ototo ke ini John tutu osim ini eridi Qbon. Ndusuk eken ekere ete ke mmọ eda eno ofuri ufok Abasi mme anditiene-Christ emi ekesuande ke ofuri ererimbot nte edide ke emana kiet kiet. Mme ufok-Abasi itiaba emi ekedi mme ufok-Abasi emi ekedude ke ini John ewetde mme etop emi.

Ke mme etop emi, obok-eron ekededi, ufok-Abasi me owo kiet ekededi ekeme ndisio mme item emi ekemde ye edinam ekededi. Edi ido Qbon nnyin ndibem iso nwut se Enye onyimedede mbemiso owut ndudue.

Ufok-Abasi Emi Odude Ke Ephesus

Ephesus ama oworo etop oto ke itie-ukpono abasi Diana, kiet ke otu mme utibe-ñkpọ itiaba ke ererimbot eset. Paul ama ebighi ebe isua iba ke Ephesus okworo Iko Abasi. Ufok-Abasi emi ekenyenede odudu ama ototo do. Ekedion enye ke ima ye nsin-ifik, nko enye ekedi ebe-iso ufok-Abasi ke ofuri Asia. John okodu mi ke utit mme isua uwem esie. Enye emi akamade mme ntanta-ofion itiaba, emi asanade ke ufot udiok utuenikañ ama okut mme nti utom ke Ephesus ye mme ufen, ye ime, ye edisono nda nsua nno idiok-ñkpọ ye edinam akpaniko, ye unana ndinyime nno mme anam-idiok, ye idaresit ndibiom mbiomo ke ntak Christ ye ndisua kpukpru edinam emi Christ asuade.

Edi ñkpọ kiet owo ndifioḱ ukpuhore eke odude ke ufot akpaniko ye abiaña, ndikeme ndino nnen-nnen ubierikpe ke ñkpọ Abasi, ndinyene ifiop-esit nnyuñ nwa-idem nno akpaniko ye se inende, ndidianare idem ñkpọ mme isuñ-utom abiaña ye kpukpru mme anam-idiok, edi kpa ye ofuri emi, anana ufiop-ufiop ye edisana ima emi okoyohode esit ke akpa ini emi owo oro akamanade obufa. Nnyin imekeme ndiyak utom ufok-Abasi ada ofuri ini nnyin tutu nnyin iyak akpa ima oro oworo ke esit nnyin. Emi edi se Qbon akasuade ono ufok-Abasi ke Ephesus. Ema eno mmọ item ete yak mmọ ekabare esit enyuñ enam akpa utom, midighe ntre, Enye eyedibere udiok-utuenikañ ke itie esie efep.

Enye emi akande eyeno enye mfri eto uwem emi odude ke Paradise Abasi adia. Mi nnyin imokut Eto Uwem emi Abasi okonimde ke Inwañ Eden nte okoride ke Paradise Abasi, emi edide Paradise emi ifiakde inyene. Se ikosopde oto ke iduo Adam, eyefiak enyene oto ke Christ.

Ufok-Abasi Emi Odude Ke Smyrna

Ufok-Abasi ke Smyrna ikenyeneke okuk, edi Qbon odoho ete ke mmọ enyene inyene: inyene ke mbuotidem, inyene ke ima. Mmọ ema esaña-ebe ke nsio-nsio ukut. Mme Jew oro mikonimke ke akpaniko ema ekobo mmọ. Paul ama odoho ete ke idighe owo emi edide Jew enyon-enyon edi ata Jew, edi enye emi edide Jew ke esit-esit. Qbon ama odoho mmọ ete ediwak ukut ke ebet, edi mme ukut oro edibighi ke esisit ini. Andidiok eyesin ndusuk mmọ ke ufok-ñkpokobi. Ema edoho mmọ enam akpaniko tutu osim mkpa ndien mmọ eyebo anyanya uwem.

Ndusuk ini Abasi owowonore mme ñkari Satan onim onyuñ anam uduak esie osu man ada owo osim erikan. Ewet-nwed kiet etin ete: “Abasi ekeñ onyuñ oduhore owo man abahare ikpok okpon ibokpot esie,” “edi Satan oduhore owo ye idorenyin nte ñkpọ kiet okusuhọ ke enye ke mibohoke ikpok ikpon.”

Ekedi ke Smyrna ke ekebo ata owo Abasi Polycarp edian ke eto enyuñ efop ke ikañ. Mbemiso esin ikañ ke ifia, mme ebierikpe esie ema edoho yak enye odoho ete ke Jesus idighe Abasi. Utibe iboro esie osuhọ ono nnyin: “Isua anañ ye itio kiet ke nnam ñkpọ nno Qbon mi, akananam Enye inamke mi idiok, ñkeme didie ndisuñi Edidem mi ye Andifak mi?”

Ufok-Abasi Ke Pergamos

Ke ini emi ekwetde Eriyarare, Pergamos ekedi obio mme enyene ñkpọ owo emi ekebanade obio emi ye ndiye ufok iduñ, mme itie-ukpono Abasi ye mme ufok ndem. Obio emi ama enyene itie ukot nwed emi ekeperede nditie nte eke Alexandria. Mi ke eketono ndinam ikpa emi ekemede ndida nwed nwed. Enye

ekedi obio itie-ukpono mme okpono ndem ye eke nsio-nsio edu ukpono nkpo, mmodo enye ekedi ebekpo Satan.

Okposuk edi ke ufot ukpono-ndem emi, ndusuk owo ema emum mbuotidem mmọ ekama. Edi mmọ ema etre ndisioño mmọ emi ekekamade “ukpep-nkpọ Balaam” ke otu mmọ mfep. Ke ini Abasi mikoyomke Balaam osuñi Israel, Balaam okosuk oyom ndinen iso ye Balak, ke ntre enye ama ekpep Balak nte edinimde itiat-iduọ ke iso Nditọ Israel. Qbọñ ama ada ofut osobo Balaam.

“Owo eke akande, nyesio ndibe manna nnọ enye adia, nyenyuñ nnọ enye afia itiat, emi ewetde obufa enyiñ ke esit.” Ke mme esop, ekesinọ afia itiat ke ini etebede owo ikpe, edi ke ini ebiomde owo ikpe mkpa, enọ enye obubit itiat.

Ufọk-Abasi Ke Thyatira

Ufọk-Abasi ke Thyatira ama omum ima ye mbuotidem akama onyuñ ọkọri ke utom Qbọñ. Mme utom esie ema ekpon idahemi ekan nte ekedide ke eritọñ. Enye ema enyene ukpuhọre ye Ufọk-Abasi ke Ephesus emi mbio Ufọk-Abasi oro ema ekeduok akpa ima edi esua idiok-nkpọ ye ukwañ ukpep-nkpọ.

Ufọk-Abasi ke Thyatira ama onyime nwan kiet emi okokotde idemesie anditiñ ntiñ-nnim ikọ, abiaña nditọ Abasi esin ke edikpono ndem ye idiok-nkpọ. Jezebel eyo oko ama ada Israel esin ke edikpono ndem onyuñ akara Israel. Ema enọ enye ifet ndikabare esit edi enye esin. “Owo eke ewakde ndiduari enye, ndien enye ọsọñ obot itọñ eyebiara usop-usop, ndien ididighe nte ekokde enye” (Mme Nke 29:1). Abasi ama ọñwọñọ ndinọ usop-usop ubierikpe ndien kpukpru ufọk-Abasi eyefiok ete ke edi Imọ Qbọñ inam.

Ema enọ mmọ emi mikoboho idiok ukpep-nkpọ oro item ete “esọñọ emum se mbufo enyenede ekama tutu ndi,” ndien Enye eyenọ mmọ odudu ndikara mme idut.

Ufọk-Abasi Ke Sardis

Sardis ama enyene enyiñ nte odu uwem Ufọk-Abasi edi Qbọñ ama ọdọhọ ete ke enye ama akpa. Ekeme ndidi enye ama enyene ido Abasi nte owo okutde edi Abasi ese esit. Etie nte ukwañ erikpep ikoduhe ke ufot mmọ nditimere esit mmọ ke ufọk-Abasi ye ke ańwa. Mmọ ema ekpa ofuri-ofuri tutu Satan ikafinake idemesie aba ye mmọ. Ibat-ibat ukpọñ ema edu ke otu mmọ emi mikasabakere ọfọñidem mmọ, ndien Qbọñ ama ọdọhọ ete ke mmọ eyesaña ye Imọ ye mfa ọfọñidem.

Ufọk-Abasi Ke Philadelphia

Philadelphia ọwọrọ “ima nditọ ete.” Ke ini mmọ emi ekekotde mme Quaker ekedide America ndiyom obio eke mmọ ekemedede ndikpono Abasi ke ifure, mmọ ema ebọp obio kiet enyuñ ekot enye Philadelphia. Mmọ ema esin ima nditọ-ete ke edinanam ke ndinyene mfọn-ido ye mbon India, ndinyuñ ntiñ usuñ Abasi nnọ mmọ.

Ke mme isua ifań emi ebede, ke ini nka edidiana-kiet mme idut emi ekotde United Nations ekenamde usoro nditi ọyọhọ isua duop tọñ nte nka oro ọkọtọñ, mbon Protestant, mbon Jew, mbon Buddha ye mbon eken ema ediana kiet, mmọ kpukpru ebọñ nsio-nsio akam enọ mme abasi mmọ. Nte emi edi ima nditọ-ete? Baba! Oro ekedi edinyime nnọ idiok-nkpọ. Mfin, ekot utọ nkpo oro ete ndinyime edu ukpono kiet eken. Edi Abasi ọdọhọ ańwa-ańwa ke Ikọ Esie ete, “Kunyene Abasi efen ukoro ye ami.”

Akwa utom oro Jesus ọkọdọñde ekedi, “Mbufo eka ke ofuri ererimbot ekekwořo Gospel enọ kpukpru owo.” Enye ama ọdọhọ mbon Philadelphia ete ke imonim mmọ ana-ińwañ usuñ ke iso emi baba owo kiet midikemeke ndiberi enye. Uńwana Eti-mbuk ayama mfin osim ofuri ererimbot. “Eyenyuñ ekwořo gospel Ubọñ Abasi emi ke ofuri ekondo nte ntiense enọ kpukpru mme idut, ndien adańoro ke utit eyedi” (Matthew 24:14).

Adańa ini nte ima Abasi asakde ke itie uwa ke esit, udọñ ye ufiop-ufiop ima eyedu ndikut nte mme ukpọñ emanade eduk ke Obio Ubọñ Abasi. Koro mmọ ekekpedede uyo anyan ime Abasi, Qbọñ ama ọñwọñọ ndikpeme mmọ ke ini idomo, emi edisimde ofuri ererimbot, ndidomo mmọ emi eduńde ke isọñ. Akpa nnyin idem me ini idomo oro isimke nnyin idahemi. Ndien Abasi afiak etiń ete, “Mmọñ ndi iwiwa. Sọñọ mum se enyenede kama, mbak owo edibọ anyanya fo.” Ediwak nti eńwọñọ ena enọ mme andikan.

Ufọk-Abasi Ke Laodicea

Emi ekedi ufok-Abasi emi mikofiopke-fiop mikonyuñ ibitke-bit. Akayak esisit enye ndiduk idap, enyin ama odoobi enye. Etop ekeme ndidemere mbit-mbit ufok-Abasi anam ototio ntak ofiop, edi ososon ndidemere owo ke idap. Mmem-mmem mmot ananam owo okpohi. Ufok-Abasi emi edide ndebe, edi obukpo ke enyin Abasi.

Ufok-Abasi emi ama okop uyuhok ke idaha esie. Mmoko ema enyene ediwak nkpoko uwem emi, mmoko ema ekere ete ke baba nkpoko kiet inanake mmimoko, kpa ke ukpono Abasi nko. O, mbom Abasi! Enye osuk adada atuak ke usuñ esit mmoko oro Enye oyomde ndikpohi mmoko ke inua Esie nduok. Edieke mmoko edidemerede ke idap, Qbot eyefiak esine mmoko mfia edisine-nkpoko onyuñ onoko mmoko ifet nditie ye Enye ke Ebekpo Esie ke Obio Ubot Esie.

Mme Enwotio Abasi

Mme enwotio Abasi esosotio eda. Ke mme etop emi enode mme ufok-Abasi mi, nnyin imokut nsio-nsio idaha emi edude emi edide mmem-mmem nkpoko owo ndibe nduk ke esit, ndiwoko ke edisana uwem nduk ke uwem idiok-nkpoko, usuhore itie ye edinyime nno idiok-nkpoko. Abasi enen iso ye mmoko emi edude edisana uwem. Mbom Esie ana onoko mme anam-idiok ye mbon nsot-ibuot, onoko mmoko ifet ndikabare esit. Ana onoko nnyin ndikpe mbiere me ewe otu ke edikut nnyin ke esit ke ini Qbot edidide.

MME MBUME

- 1 Nte mme mmoko emi ekedi ata ufok-Abasi, mmoko ekedu ke mmot?
- 2 Ewe ufok-Abasi okokpon akan?
- 3 Mme ufok-Abasi ewe ke miketinke idiok idian mmoko?
- 4 Ewe okoduok akpa ima?
- 5 Ewe ekedi ndebe?
- 6 Tin awana ntak emi Abasi okpoyomde enye ofofiop me ebebit.
- 7 Tin nsio-nsio enwotio emi enimde enoko mme andikan.